



# ХАВАР

Ўзбекистон почта ва телекоммуникациялар агентлиги нашри

1992 йил мартдан чиқа бошлаган

2000 йил, 31 март, жума, № 12 (395)

Сотувда нархи эркин

## СОҒЛОМ АВЛОД — СОҒЛОМ КЕЛАЖАҚДИР

Тошкент электротехника Алоқа институтида «Соғлом авлод йили»га бағишланган йиғилиш бўлиб ўтди. Унда Тошкент юридик институти, Тошкент молия институти, Ўрта Осиё педиатрия институтидан ўқитувчи ва талабалар иштирок этишди. Йиғилиши ТЗАИ хотин-қизлар кенгашининг раиси М. Раҳматуллаева олим борди. Йиғилишда ўсмирлар ўртасидаги гиёҳвандликнинг олдини олиш, бу иллатни бутунлай йўқ қилиш ҳақида

маърузалар ўқиди. Гиёҳвандликнинг пайдо бўлиши, турлари ва инсон организмга салбий таъсир кўрсатиши тўғрисида Юнусобод тумани наркодиспансер даволовчи шифокори В. Н. Задорожская гапириб берди. Шундан сўнг Тошкент юридик институти «Жиноят ва жазо» кафедраси доценти М. Ф. Икромова ўз нутқида ота-оналар ва фарзандлар тарбияси ҳақида тўхтади.

Юнусобод тумани ички ишлар бошқармаси профилакти-

ка ва жамоат тартибини сақлаш бўлими бошлигининг ўринбосари М. Расулов ёшлар ўртасида содир этилаётган жиноятлар ва уларнинг сабаблари ҳақида гапирди. Тошкент электротехника Алоқа институтининг маънавият-маърифат масалалари бўйича биринчи проректори М. З. Зупаров ҳам сўзга чиқди.

Йиғилиш сўнггида талабалар ўзларини қизиқтирган саволларига жавоб олишди.

Шухрат ИСМОИЛОВ

Бизнинг Тошкент Алоқа коллежимизда Навруз байрамига бағишланган шодиёналар бўлиб ўтди. Дастлаб коллеж ўқитувчи талабалари ва алоқа корхоналари ҳамда ташкилотларидан келган меҳмонлар иштирокида йиғилиш утказилди. Сунгра талабалар теннис, волей-

## БИЗНИНГ КОЛЛЕЖИМИЗ...

бол, арқон тортиш бўйича узаро беллашдилар. Шу куни байрам дастурхонага меҳнат фахрийлари, талабалар, меҳмонлар таклиф этилди. Дастурхонга Навруз таомлари тортилди.

Коллежимизда Навруз шодиёналари кечгача давом этди. Йиғит-қизлар ижросидаги куй-қушиқлар барчанинг кунглини шоду-хуррамликка тўлдирди. Коллежимизда биз ёшларга алоҳида эътибор берилди. Шунинг учун ҳам «Бизнинг коллежимиз» дея фахрлини гапираимиз.

Умаржон СОЛИЕВ,  
Тошкент Алоқа коллежининг 3-курс талабаси

## МАКТАБ РАДИОСТУДИЯЛАРИ

Ўқувчи ёшларнинг билим олиш билан бирга дунё воқеалари, мамлакатимиз ҳаётига оид янгиликлар ва маданий-маърифий мавзулар билан танишиб бориши уларнинг баркамол инсон бўлиб етишишида муҳим аҳамиятга эга. Бунда умумтаълим мактабларида радиостудия (телестудия)ларнинг тугган ўрни катта.

Шу боис, республикамиз халқ таълими тизимида мактаб радиостудияларини ташкил этиш мақсадида мувофиқ деб топилди. Ўзбекистон Халқ таълими вазириликнинг Республика таълим маркази мактаб радиостудияси фаолиятини йўлга қўйиш бўйича методик тавсияларини ишлаб чиқди. Ана шу маърифий ҳужжат бўйича радиостудияда бошлангич

синф, 5-9, 10-11-синфлар, ўқитувчилар ҳамда ота-оналар учун алоҳида-алоҳида гуруҳлар тузилди.

Мактаб радиостудияси тармоғи орқали республика ва маҳаллий газеталар, «Гунча» ва «Гулхан» журналлари шарҳи, бериб борилади. Маънавий-маърифий ва бошқа турли-туман мавзуларга оид мусобақа, баҳс, танловлар, суҳбатлар утказилади.

Радиотармоқ фаолиятини яхши йўлга қўйишда республика ва жойлардаги маҳаллий радио, телевидение ҳамда бошқа оммавий ахборот воситаларининг амалий ёрдамлари зарур бўлади.

А. АЛИЕВ

## Қилмиш-қидирмиш

## ҚАРС ИККИ ҚЎЛДАН

«Тошкент Телеком» ҳиссадорлик жамияти Олмалик филиалида алоқа воситаларини тулик ва сифатли сақлаш анчайин мураккаб вазифа бўлиб қолди. Чунки номаълум шахслар томонидан ишлаб турган телефон кабелларини ер ости телефон канализацияларидан, уйлارнинг ертўзаларидан, симёғочлардан кесиб олиб, ўтирлаб кетиш ҳодисалари кўпайиб кетди. Алоқа кабелларининг ўғирланишидан алоқачилар аҳоли ва корхоналар моддий ва маънавий зарар қўришмоқда.

Алоқа воситаларини тулик сақлаш мақсадида Ўзбекистон почта ва телекоммуникациялар агентлиги ва Ўзбекистон Республикаси ички ишлар вазириликнинг 1999 йил, апрель ойида буйруғи чиқарилди. Филиалimizда барча ахтиёр чоралари уша буйруқ асосида олиб боришмоқда.

Олмалик алоқачилар шаҳар ички ишлар бўлими билан 62 та магистрал кабелдан 48 тасини қўриқлаш ҳақида шартнома туздилар. Тузилган шартномага асосан қўриқланаётган магистрал кабеллардан бирортаси ўғирлаб кетилса, қўриқлаш ходимлари келтирилган зарарни филиал ҳисобига тулик қайтаришади. Ҳозирда филиал электрмантурлари 40 та телефон

кабелларини қўриқлашмоқда. Қўриқланаётган кабелдан бирортаси кесилса дарҳол таблода лампочка ёниб, сигнализация ишлаб кетади. Шундан сўнг тезда навбатчилар қўриқлаш бўлими ходимларига «02» навбатчисига хабар беришиб, биргаликда ўғирлик содир этилган жойга етиб боришади. Навбатчилар рўйхатининг бир нусхаси ички ишлар бошқармасида тезкор жиноят қидирув ходимига берилган. Ўз навбатида ички ишлар бошқармасида ҳам рангли металл ўғирларини ушлаш учун гуруҳ тузилган.

Қўрилаётган бундай чора-тадбирлар ўз натижасини кўрсатмоқда.

Мисолларга мурожаат қилайлик: Ш. Рашидов кўчасидаги 10, 12, 14 уйлارга том орқали тортилган кабелни ўтган йили 3 мартабага узатишга ишлаб кетди. Сигнализация ишлаб кетгач, то ўша жойга етиб боргунча ўғирлар гойиб бўлишарди. Натижада филиал электрмантурлари қўриқлаш ходимлари билан шу уйлار внида навбатчилик ташкил этишди. Ўтган йили сентябрь ойида ўғирлар томга чиқибган пайтда қўлга олинди. Улар икки киши бўлиб, бири қочмига улгурган. Шериги Ю. Неприй эса 4 йилга озодликдан маҳрум этилди.

Ўтган йили ноябрь ойида кечаси қўриқлаш ходимларининг пулти ишлаб кетди. Ф. Хужаев кўчасида

жойлашган «Миллий Банк»га тортилган телефон кабелни қирқилганиги ҳақида хабар олинди. Тезкор гуруҳ ўғирлар томонидан телефон қудугининг қопқоғи очилиб, 50 метр кабел ўғирлаб кетишганини аниқлашди. Изаланишлар ўз натижасини берди. Ўғирлардан бири — далилий ашёлар билан қўлга тушган, ҳеч қаерда ишламайдиган Д. Р. Бурлаков 3 йил озодликдан маҳрум бўлди.

15 декабрь куни Китва кўчасидаги 4-уйнинг томида уч нафар номаълум шахслар телефон кабелининг 80 метрини қирқиб олиб кетишмоқчи бўлганда уй эгаси томонидан ушлаб, милиция ходимларига топширилди. Ўғирлар келтирилган зарар 22000 сумни ташкил этади. Ҳозирда суд жараёни бошланган.

Бундай қонунбузарлик ҳоллари туманимизда кўплаб содир бўлмоқда. Олмалик филиали маъмурияти кабел ўғирларига қарши шаҳар ички ишлар ва қўриқлаш ходимлари билан биргаликда бундан буён ҳам кураш олиб бораверади.

А. МАШАРИПОВ,  
«Тошкент Телеком»  
ҲЖнинг Олмалик филиали  
бош муҳандиси

## Самарқанддан дараклар

## САМАРҚАНДА ЯНГИ АТСЛАР

• Урта Осиёнинг энг қадимий шаҳарларидан бири Самарқандда телекоммуникация тармоқлари қайта таъмирланди, тараққий этирилмоқда. Бундан бир неча йил муқаддам бу ерда Германиянинг SIMENS фирмаси иштирокида рақамли АТСлар қурилиб, ишга туширилган эди. Мазкур шаҳар орқали Шарк билан Гариб но боғловчи йирик Транс-Осиё Европа кабел магистрალი утказилган. Самарқандликлар EWSO тизими ва Интернет халқаро тармоғига уланишлари мумкин. Самарқанд республикаимиздаги видеоконференцалоқани ташкил қилиш бўйича бюрократларни бажара оладиган ягона вилоят маркази ҳисобланади. Ушбу шаҳарда «Ўздуробита» ва «Коском» янги алоқа компанияларининг филиаллари фаолият кўрсатмоқда.

• Самарқанд Телеком» вилоят элетралоқа корхонаси «Ўзбек-телеком Интернетшл ҲҲ» Ўзбекистон-Индонезия қўшма корхонасининг таркибидаги шўба корхона ҳисобланади. Индонезиялик ҳамкорлар билан ақинда 5000 рақамли мўлжалланган электрон, рақамли 34-АТС фойдаланишга топширилди. Бу шаҳарнинг М. Улугбек ва Ю. Гагарин кўчасида яшовчилар хонадонларига қисқа мuddатларда телефон тушириши мумкинлиги беради.

• Самарқандлик алоқачилар биринчилардан бўлиб АРТС тизимидаги симсиз радиотелефон алоқасини жорий қилишга киришди. Қарий бир йилдан буён вилоятнинг баъзи туман ва шаҳарларида ушбу тизим ҳаракат қилмоқда. Чўпонотада мунтазам радиотелефон алоқасини таъминлайдиган антенна урнатилди ва 400 абонентга мўлжалланган

ускуналар қайта таъмирланди. Ҳозирча АРТС тизимидаги алоқа хизматида 60 нафар мижоз фойдаланмоқда. Бу мақсадлар миқозлар оғи 400 нафарга етди.

• Бундан бир йил олдин Самарқанд вилоятида хонадонларга телефон тушириш бўйича 6 мингдан кўп ариза тушган эди. Қурилган чора-тадбирлар туфайли бундай аризаларнинг барчаси қаноатлантирилди.

• Қашқадарё, Сурхондарё, Жиззах, Самарқанд вилоятлари телекоммуникация тармоқларини ривожлантириш учун Индонезиянинг Бакири коммуниейшн Корпорейшн компанияси сармояларидан фойдаланилмоқда. Бу мақсадлар учун Самарқанд вилоятига ҳам 11 миллион АҚШ долларини микдориди сармоя ажратилди. Вилоят бўйича 128 минг телефон рақамларига мўлжалланган телекоммуникация тармоқларини қайта таъмирлаш қўзда тутилган. Айни пайтда ана шу дастурга мувофиқ Самарқанд шаҳрида 42,5 минг рақамли АТСлар ишлаб турибди.

Келгусида 25, 29, 37-АТСлар ҳам хорижлик ҳамкорлар иштирокида рақамли жиҳозларга алмаштирилади. Жорий йилда «қодлик карточқалар» амалиётга киритилди. Бунда ушбу карточка эгаси маҳаллий телефон тармоғидан дунёнинг хоҳлаган бурчагига телефон қилиши мумкин бўлади. Рақамли АТСларда қўшимча яна 20 та хизмат турлари жорий қилинмоқда.

А. КУДИНОВ

«Самарқанд Телеком» волейбол жамоаси республикамиксда голибликни кўлдан бермай келаётир. Вилоятимиз шухратини мамлакатимиз миқёсида танитаётган ушбу жамоа бундай муваффақиятларга қандай эришган? Бунинг сири нимада ва келгусиди режалар қандай? Муҳбиримиз жамоа бош ҳаками Антон Николаевич КИМ билан шу ҳақда суҳбатлашди.

## «САМАРҚАНД ТЕЛЕКОМ»: БИРИНЧИЛИК МАСЪУЛИЯТИ

— Антон Николаевич, ўтган йилни қандай натижа билан яқунладиңизлар?

— Айтиш мумкинки, 1999 йил ҳам аввалги уч йилдаги каби биз учун ютуқлар, муваффақиятлар йили бўлди. Бошқача айтганда, жамоамиз кетма-кет туртинчи мартаба мутлақ Ўзбекистон чемпиони деган номга сазовор бўлди.

— Ўтган йилги мавсумда жамоағизнинг қайси ўрашувини энг мукамал ва чиройли деб ҳисоблайсиз?

— Тўғриси айтсам, ўтган йили «Самарқанд Телеком» жамоасининг майдондаги биронта ўйинини ҳам мукамал ёки чиройли эмас, деб айта олмаймам. Чунки уларнинг аксарияти галаба билан якунланди. Аммо ўзимча энг мақул

деб ҳисоблаган ўрашувимиз — 1999 йилнинг 28 январь куни Қўқон шахрининг «Автомобилчи» жамоасига қарши майдонга тушишимиз бўлди. Ушбу ўрашувнинг ҳар дақиқаси ҳаяжонларга бой ва шиддатли ўтди. Ўрашув 3:1 ҳисобида бизнинг фойда-мизга ҳал бўлди. Майдондаги жиддий рақибимиз ҳам худди шу жамоа. Чунки ушбу жамоа бир пайтлар кетма-кет Ўзбекистоннинг икки карра чемпиони булган.

— Антон Николаевич, ўзингиз таъкидлаганингиздек, жамоанинг муваффақияти кўп ҳисабдан иқтисодий масалага ҳам боғлиқ. Ҳўш, бу борада «Самарқанд Телеком» жамоасининг аҳоли қандай?

— Шунинг маъмурияти билан таъкидлаш лозимки, жамоамизнинг ҳомийси булган «Самарқанд Те-

леком» шўба корхонаси бизни иқтисодий жиҳатдан қўллаб-қувватлаш борасида ҳеч нарсани аямайпти. Шу боис жамоанинг иқтисодий базаси анчагина бақувват. Жамоа ўйинчиларининг маоши ҳар ойда кечиктирилмай, ўз вақтида бериб борилади. Бундан ташқари, ҳар бир турдан сунг ўйинчиларимизга пул мукофотлари бериш одат тусига кирган. Майдонда ва машқурларда қиядиган спорт кийимлари борасида ҳеч қандай муаммо йўқ. Турнирларга катнашиш учун эса жамоамизнинг шахсий автобусидан фойдаланамиз.

— Жамоанинг ҳозирги кундаги ўрашувлари ва келгуси режалари қандай?

— «Самарқанд Телеком» волейбол жамоаси жорий йили катта тайёргарлик билан бошлады. Бу йил ҳам белгиланган режа асосида жойларда бир неча ўрашувлар ўтказамиз.

Шу йилнинг 28 январь куни Зарафшон шаҳрида Ўзбекистон Миллий чемпионати учун ўтказилган мусобақаларнинг 1999-2000 йилги мавсумининг

иккинчи тури нихоясига етди. Қизиқарли ўтган беллашувларда волейболчиларимиз яна ўз маҳоратларини намойиш этди-лар. Ушбу тур ўйинларида жамоа 6 ўйиндан 6 галабага эришиб, биринчиликти қўлга киритди.

Шунингдек, яқинда Шаҳрисабз шаҳрида бўлиб ўтган Ўзбекистон биринчилигида «Самарқанд Телеком» волейбол жамоаси яна бир имтиҳондан ўтди. Таассуротлар жуда катта. Майдондаги илк рақибимиз — Шаҳрисабз «Кеш-кристалл» жамоаси бўлди. Табиийки, мезбонлар ўз майдонларида мағлубиятга учрамаслик учун бор куч ва имкониятларидан фойдаланишди. Аммо голиблик яна бизга насиб этди.

Шундан сунг галдаги ўйинларимиз Нукусинг «Қорақалпоғистон» ва Тошкент шахрининг «Муаллим» жамоалари билан бўлди. Ушбу ўйинларда жамоамиз 3:0 ҳисобида галабага эришди. Тажрибали «Прогресс» (Зарафшон) жамоасини ҳам 3:1 ҳисобида мағлубиятга учратдик.

Турнинг энг шиддатли ва ҳаяжонли ўрашуви Қўқоннинг «Автомобилчи» жамоаси билан бўлди. Ушбу жамоа мутлақ голиблик учун асосий даъвогарлардан бири эди. Омад ҳамиша қувилар томонидан деганларидек, бизнинг жамоамиз ҳар жиҳатдан устунликларини намойиш этишиб, кучли рақиблари устидан 3:2 ҳисобида галаба қозондилар. Турнир якунига кўра биз асосий рақибимиз «Автомобилчи» жамоасини 4 очко ортада қолдирдик. Аммо бу натижа ҳали бизни қониқтирмайди. Биз энди асосий диққат-этиборимизни беллашувларда голиб чиқиб, мутлақ голибликни қўлга киритишга қаратишимиз керак.

Ҳозирги кунда жамоамиз волейболчилари шу йилнинг 9 апрелида Қўқон шаҳрида бошланадиган Ўзбекистон чемпионатининг IV тур ўйинларига тайёргарлик куришмоқда. Ниятимиз — жорий йилда ҳам волейбол бўйича Ўзбекистон биринчилигини қўлда сақлаб қолишдан иборатдир.

**Зебо ХУДОЁРОВА**  
суҳбатлашди,  
Самарқанд вилояти

«Тошкент шаҳар телефон тармоғи» хиссадорлик жамиятининг Ахборот-ҳисоблаш маркази (АХМ) Ўзбекистон Республикаси Алоқа вазирилари Республикаси ахборот-ҳисоблаш маркази сифатида 1974 йили ташкил этилган эди. АХМ тузилганидан бери ўтган йиллар мобайнида комплекс ва бошқа 300 та масалалар ишлаб чиқилди ҳамда жорий қилинди. Уларнинг айримлари ҳанузгача ўз до-

кенгайтириш ҳисобига тармоқ корхоналари ишини яхшилашга имконият яратди, бу эса алоқа корхоналарига қўшимча даромад келтиради. Корпоратив юқори тезликли тақсимланган тармоқни барпо этилиши (тузилиши) ахборот ресурсларидан фойдаланувчи-узқодаги мижозлар (ташкilotлар)ни уланиши сонини кўпайтишига имкон беради ва ахборот оқими аллашунви тезлигини анча оширади. Бу

Биллинг тизимини ишлаб чиқаришдан ташқари АХМ мутахассислари томонидан филиалларда «ШТС, ШАТС, ХАТС хизматлари учун ҳисоб-китоб хизмати», телефонлар ишламаганда абонентлардан аризалар қабул қилиш бўйича «Автоматик таъмирлаш бюроси», «Бухгалтерия ҳисоби», «Абонентларни техникавий ҳўсиби» масалалари бўйича тулик мажмуи, шунингдек, «Тармоқнинг марказлаштирилган таъмир-

## ЗАМОНАВИЙ ТЕЛЕКОММУНИКАЦИЯ ТАРМОҒИ - МУВАФФАҚИЯТ ГАРОВИ

лазрлигини йўқотгани йўқ ва мукамаллаштирилган ҳолда алоқа соҳаси корхоналарида ишлаб келинмоқда. Алоқа «Тошкент шаҳар телефон тармоғи» ХЖ тарихида 1996 йилдан бошлаб фаолият кўрсатиб келмоқда. Малакали мутахассислардан ташкил толган АХМнинг меҳнат жамоаси қўлдан бери давом этиб келаётган аънаваларга риоя қилган ҳолда ўз фаолиятини бошқарув тизимини тақомиллаштиришга ва янги автоматлаштирилган бошқарув тизимларини ишлаб чиқишга йўналтириб келмоқда.

Ҳозирги вақтда АХМ жамоаси олдида «Ўзбекистон Республикасида телекоммуникация тармоқларини қайта қуриш ва ривожлантириш бўйича Миллий дастури» қабул қилинганлигини ҳисобга олган ҳолда Биллинг марказ асосида «ШПТ» ХЖнинг ягона ахборот-ҳисоблаш тизимини барпо этишдек масъулиятни вазифа туртибди. Ушбу тизим мижозларга хизмат кўрсатиш маданиятини ошириш, кўрсатилаётган хизматлар доирасини

йўналиш бўйича ишларни замонавий дастурий воситалардан фойдаланган ҳолда юқори малакали мутахассислар амалга оширадилар.

Ҳозирги вақтда Биллинг марказининг биринчи босқичини амалга ошириш бўйича ишлар олиб боришмоқда. Собир Раҳимов филиалнинг компьютер тармоғига улаш амалга оширилмоқда. Жорий йилнинг биринчи чораги охирида филиалнинг барча 11 та станциялари мазкур тизимга уланди ва абонентлар бу тизим афзаллигини қўйидаги масалалар мажмуи бўйича баҳолашлари мумкин бўлади: ШТС хизматлари учун ҳисоб-китоблар, (ЗАТСлар бўйича маҳаллий сузлашувлар вақтбай ҳисоби билан), «Шаҳарлараро ва халқаро телефон сузлашувлари учун ҳисоб-китоблар», «Тарификация ва тармоқ абонентлар билан узаро ҳисоб-китоблар назорати», «Телефон урнатиш бўйича нават ҳисоботи», «Абонентлар картотекасини ва Биллинг марказининг меъърий-маълумот ахборотини олиб бориш».

лаш бюроси» масалалари мажмуидан ҳам муваффақиятли фойдаланилмоқда.

Алоқа соҳаси корхоналарининг тузилишлари бўйича уналик фарқ қилмаслигини ҳисобга олиб, Ахборот-ҳисоблаш маркази уларга шартнома асосида қўйидаги хизматларни кўрсатишга тайёр эканлигини билдиради:

- Фойдаланилаётган масалалар мажмуини жорий қилиш ва янгилирини ишлаб бериш;
- тармоқ усқуналарини урнатиш;
- ҳисоблаш техникаси воситаларига техникавий хизмат кўрсатиш;
- локал ва тақсимланган компьютер тармоқларини лойиқалаш ва урнатиш.

Энг замонавий мутахассислар ҳамда усқуналар билан таъминланган АХМнинг ҳисоблаш марказининг ишлаб чиқариш базаси биз билан ҳамкорлик қилишга тайёр булган барча мижозларга сифатли хизмат кўрсатишни қафолағлайди.

**Бахтиёр АЛИЕВ,**  
Ахборот-ҳисоблаш  
маркази директори

## ЯНГИЛИККА ИНТИЛИБ

«Қашқадарё почтаси» хиссадорлик жамиятининг Шаҳрисабз филиали жамоаси эскича андозалардан воз кечиб, алоқа ишларида ислохотларни қўлайитиришмоқдалар.

Соҳада барча ишлар давлат тилида олиб борилиши тўғрилик қўллаб қўйинчиликларга барҳам берилди. Шаҳрисабз филиали вилоятдаги энг йирик алоқа жамоаларидан ҳисобланади. Ҳозирги вақтда тумандаги 29 та алоқа бўлимида 133 киши самарали меҳнат қилмоқда. Алоқачилар билан ҳар ойда бир марта йиғилишлар ўтказилиб, алоқа хизмати кўрсатишдаги ютуқ ва камчиликлар таҳлил қилинмоқда, соҳадаги илгор тажрибалар оммалаштирилмоқда.

Алоқачилар ўтган йили аҳолига 26 миллион 836 минг сўмликдан ортироқ алоқа хизмати кўрсатишти. Шу жумладан, пул жўнатимлари 117 фойз, хат-хабарлар жўнатиши 115,8 фойз, газета-журналларга

ёзилми 115 фойз, матбуот нашрлари сотиши 123 фойзга бажарилди. Бундан ташқари, жўнатиша ва хатларга қўшимча ишлов бериш ҳисобидан 346 минг 600 сўм, пенсия тарқатишдан 16 миллион 580 минг сўм даромад олишди.

— Пенсияларни ўз вақтида эгаларига етказишда, — дейди филиал директори Баҳром Раҳмонов, — наманганлик ҳамкасбларимизнинг янги иш тажрибаларини қўллаб, яшн ютуқларга эришиди. Пенсия ва нафақаларни эгаларига етказиб берилганлиги тўғрисидаги карточкалар жорий этилди, марказга жойлардаги алоқа бўлимлари ҳар беш кўнда ҳисобот беришларини ташкил этдик. Бу ишларни назорат қилиб бориш учун уч кишидан иборат операторлар иш олиб боришмоқда. Бу таҳриба пенсияларни ҳеч қандай чалкашликка йўл қўймасдан, тўғри тарқатишда қўл келди.

Шаҳрисабзлик алоқачиларнинг ҳар бири урта ҳисобда 8-9 минг сўмдан иш ҳақи олишмоқда. Жорий йилда ўтган йилга нисбатан 8 миллион сўмдан кўп газета-журналларга обуна бўлиди. Обуна йил давомида олиб боришмоқда.

Алоқа ишларини намунали ташкил этиш ва белгиланган режаларни ошириб бажаришда Шаҳрисабз-2, Шаҳрисабз-5, Навқат, Мироқи алоқа бўлимларида раҳбарлик қилаётган Исомиддин Кероев, Шавкат Абдуллаев, Ориф Махмудов, Убайдулла Очиловларнинг хизматлари салмоқли бўлмоқда.

Филиал жамоаси жорий йилда 28 миллион сўмлик хизмат кўрсатиб, бир миллион сўм соф фойда олиш учун ҳаракат қилаётир.

**Ҳайрулла ТўПАЕВ,**  
Қашқадарё вилояти

## ҲИССАДОРЛАР ДИҚҚАТИГА!

Овқ турдаги «TOSHKENT SHAHAR TELEFON TARMOG'Y» хиссадорлик жамияти хиссадорларининг йиллик умумий йиғилиши 2000 йилнинг 12 майида соат 10.00 да Тошкент шаҳар, Т. Шевченко кўчаси, 17-уйда ўтказилади. Хиссадорлар соат 9.00 дан бошлаб ғўсбадан ўтказилади.

### КУН ТАРТИБИ:

1. Хиссадорлик жамиятининг 1999 йилги молиявий-ҳужалик фаолияти бўйича ҳисоботи.
2. Тафтиш комиссиясининг ҳисоботини ва аудитор хулосасини тасдиқлаш.
3. Йиллик бухгалтерлик ҳисоботини, фойдаларни тақсимлаш тартиби ва дивидендларни тасдиқлаш.
4. Кузатув Кенгашининг ҳисоботи.
5. 2000 йил учун ижтимоий-иқтисодий ривожланиш бизнес-режасини тасдиқлаш.
6. Кузатув Кенгаши шахсий таркибидаги ўзгаришлар.
7. Хиссадорлик жамиятининг меъърий ва таъсис ҳужжатларига ўзгариштирилган киритиши.

**Маълумот учун телефонлар:**  
133-45-19, 55-77-17.

## ПРАВЛЕНИЕ АОТ «ПРОМСВЯЗЬ» ИЗВЕЩАЕТ О ПРОВЕДЕНИИ ОБЩЕГО ГОДОВОГО СОБРАНИЯ АКЦИОНЕРОВ

2 мая 2000 года по адресу: г. Ташкент, ул. Гавхар, 125. Начало собрания в 14.00. Начало регистрации 12.00.

### ПОВЕСТКА ДНЯ

1. Отчет дирекции АО «Промсвязь» по итогам финансово-хозяйственной деятельности за 1999 год.
2. Отчет ревизионной комиссии и заключение аудитора.
3. Утверждение размера годовых дивидендов и порядка их выплаты.
4. Разное.

**БАЛАНС АОТ «Промсвязь» на 01.01.2000 года** тыс. сум

Наименование статей	АКТИВ	ПАССИВ
Основные средства за вычетом износа	8068	
Долгосрочные финансовые вложения	768	
Производственные запасы и затраты	25956	
Денежные средства	5814	
Расчеты с дебиторами	8005	
Уставный капитал		18163
Резервный капитал		18592
Расчеты с кредиторами		10599
Авансы полученные		1257
ИТОГО:	48611	48611
<b>БАЛАНСОВАЯ ПРИБЫЛЬ за 1999 год</b>	<b>2122</b>	
Достоверность баланса за 1999 год подтверждена аудиторской проверкой, проведенной фирмой «Ориентал-КВФ».		

Турмушларининг янгилигида, бахтли, ширин ойлари утказаетган кунларида эр кечкурун севиikli хотини хуш курган нарсаларни олиб келди.

Қайнонаси болаларини кургани меҳмон булиб келган эди.

Куёв олган нарсалари

— Эй менинг жоҳил, ўз қадрини билмаган қизим! Эр келтирган нарсаларга ҳам бепарво буладими? Сен бу ёмон одатни қаердан ургандинг? Отанг бирор нарса олиб келганида бепарво булганимни ҳеч курганмисан? Агар мен отангга шундай муомала

Хотинининг совуқ муомаласи, тумтайган суратидан кутилибди.

### Изоҳ ва ўғит

Бундай қайнона дўстларга муборак булсин. Бу қайнона насиҳати билан қизининг ҳаётига бахт келтирди.

Агар қизига қушилиб, у билан тенг бўлиб, куёвига совуқ, муомала қилса нима буларди? Албатта, шу пайтнинг ўзида қиёмат буларди. Яъни куёв ўзини боса олмай, иккаласини қувиб соларди. Балки, бирор муддат, кунгли сиқилса ҳам бу жаҳаннамга ухшаш уйда жоҳил ва тарбиясиз, эр қадрини билмайдиган хотини билан яшашга мажбур буларди. Аммо дунёга келганига минг пушаймон буларди.

Хайрият, қайнонаси ёрдамга келди. Уйда тарбия бера олмаган қизига эри ҳузурда тарбия берди. Бундай оқиллона, фаросатли қайнона дўстларга муборак булсин.

## ҲИКМАТЛАР

Иккиланишлар инсонни ортга судрайди, ғамгин этади, имон инсонни олға бошлайди, қалбига қувонч бағишлайди.

\*\*\*

Нурга етишган қоронғуликдан халос бўлганидек, имонга эришган ҳам сохталикдан қутилади.

\*\*\*

Инсон учун ҳар қандай мағлубият бир тажрибадир. Мағлубиятлардан сабоқ олганлар келажақда ғалабаларни кўлга киритадилар.

Жаҳолатни илм билан йўқ қилишга ҳаракат этинг. Ҳар бир ишни илм билан ҳал қилинлар.

\*\*\*

Эй инсон! Ризқинг учун ошиқча қайғурма, Аллоҳ сени яратишдан аввал ризқингни яратган. Лекин ризқ эшигини ҳаракат очади. Сен ёлғиз сабабларга мурожаат қил. Насибанга яраша ризқ келади. Шуни билгинки, сенга насиб бўлган ризқинг охириги лукмасини емасдан ўлмасан.

\*\*\*

Эй инсон! Аллоҳнинг бандаларини ранжитмаслик ва улардан хафа бўлмаслиқни шиор қилиб олсанг, ўз нафсингни енгган ва комиллик сари одимлаган бўласан.

\*\*\*

Имон сени ғам-қайғуга йўлламайди. Қийинчилик келса, ҳар доим унга юзлан. Чин ихлос билан Аллоҳни ёрдамга қақир. Унинг ўзи сенга қифодир.

\*\*\*

Ишонч қалбга, иқрор тилга тегишлидир. Бир кишида ҳар иккиси мавжуд бўлса, аҳли имон бўлур.

Муҳаммад КАМОЛНИНГ «ҲИКМАТЛАР» китобидан

Юсуф ТОВАСЛИЙ

• Мерос

## Бундай қайнона дўстларга муборак бўлсин!

ни хотинига бир-бир қувониб курсатди. Хотини бепарволик билан:

— Ҳеч нарсани тушунмадим, — деди.

Йигитнинг кунгли оғриди. Қошлари керилди, секин-аста хафа бўла бошлади. Шу пайт хушфёъл, тажрибали, аччиқчучуки тотган, ҳаёт мактабини утган ақлли қайнона орага тушиб, қизига:

қилсам, таъзимини берарди ва шу заҳоти уйдан ҳайдаган буларди.

Менинг хушфёъл, вазмин куёвим, болам, сиз ҳақиқатан ҳам жуда сабрли экансиз, — дея жоҳил қизига насиҳат қилди.

Шундан кейин бу жоҳил, тажрибасиз ёш келин эри олиб келган нарсаларга бепарволик қилмади. Йигит қайнонасини дуо қилибди. Уйда ҳузур куриб яшабди.

## БОЛАНИНГ ТИЛИ ШИРИН

— Ота, уйланмаган эркакни буйдоқ дейишадими?

— Ҳа, шундай.

— Уйланган эркакни нима деб аташади?

— Бундай сўزلарни эшитишга ҳали ёшлик қиласан.

Беш яшар болакай отасидан сўради:

— Ота, битта тиш ювиш пастаси қанчага етишини биласинми?

— Йўқ, билмайман.

— Уйимизнинг даҳлизига, меҳмонхона ва айвонга бемадол етаркан.

Болакай эгизак укаларини қандай чумилтиришадиганини томоша қиларди. Чақалоқларнинг биттаси чирқираб йиллар, иккинчи эса чумилтиш хуш ёқаётгани учун миқ этмасди. Шунда болакай деди:

— Ота, ўзимизга мана шу йилламаётганини олиб қолайлик.

Кичкинтой угил ойисидан сўради:

— Ойи, ҳамма эртақлар ҳам

«Кунлардан бир кун...» деб бошландими?

— Йўқ, болам, айрим вақтларда эртақлар «Азизам, бугун мен мажлисда ушланиб қоламан» деб бошланади.

— Отажон, айиқлар ҳар йили пустинини янгилаши ростми?

— Рост, фақат буни ойинг билмасин.

Муаллим ҳамкасбига шикоят қиларди:

— Менга жуда ночор синф тушди-да. Теоремани тушунтирсам тушунимайди. Иккинчи марта уринаман — барибир бефойда. Учинчисида ҳатто ўзим ҳам тушуниб оламан — улар эса яна тушунимайди.

Муаллим куёвчига деди:

— Шавкат, бугун назорат ишнни қўшинингдан кучирганингни курмасам керак деб умид қиламан.

— Мен ҳам шундай деб умид қиламан.



Кулгу чехранинг гули.

Хитойда музқаймоқ уч минг йил илгари ҳам маълум экан. Уни қор ва мевалар шарбатидан тайёрлашган. Лимон ва апельсин шарбатидан тайёрланган музқаймоқ севиб истеъмол қилинган.

Европада музқаймоқ тайёрлаш усулини XIII асрда ўрганишган. Музқаймоқ тайёрлаш усулини таниқли сайёҳ Марко Поло Европага олиб келган.

Қадимги кўлёмаларда айтилишича, Арабистон ва Эронда 875 йилда ҳам қаҳва истеъмол қилинган экан.

Қаҳва ҳақидаги маълумот Европага XVI асрда кириб келган. 1573 йили немис врач Раувольф Алеппода ўзи курган қаҳвазорлар

ҳақида маълумот берган. 1615 йили Венеция республикасининг денгизчилари биринчи бор бир қоп қаҳвани Туркиядан Европага олиб келишган. Италияда 1626 йили биринчи марта қаҳва тайёрланган. Уни Папанинг Эрондан қайтган элчиси Делла Валле тайёрлаган.

Лондонда биринчи қаҳвахона 1626 йили очилган. Бу

қаҳвахонанинг хўжайини инглиз Эдварс Туркиядан олиб келган канизак грек аёли бўлган.

Анор доналари таркибида лимон кислотаси лимондагига қараганда кўпроқдир.

Нилуфар гули уч кун яшайди, шу уч кунда қирмизи алвон рангдан бинафша рангга, ундан эса оч сарғиш рангга айланиб улғуради.

## ВА — ҚИЗИК!

### МУАССИС:

Ўзбекистон почта ва телекоммуникациялар агентлиги

Бош муҳаррир:

Шодмон ОТАБЕК

### ТАХРИР ҲАЙЪАТИ:

Шомансур ОБИДУЖАЕВ  
Шухрат ЖАБОР  
Анатолий КУДИНОВ  
Иzzат АХМЕДОВ  
(Бош муҳаррир ўринбосари)  
Абдугани АБДУРАҲМОНОВ  
(Масъул котиб)  
Мирпўлат МИРЗО  
Рустам ҚОСИМОВ  
Қуролбой ТўЛЕБОВ  
Ёқубжон ХУЖАМБЕРДИ

### ЖАМОАТЧИЛИК КЕНГАШИ:

Сандмаҳмуд АКБАРОВ  
Шохрух АКБАРОВ  
Ортиқбой АБДУЛЛАЕВ  
Меҳмонкул ИСЛОМҚУЛОВ  
Тўлқин ЛУТФУЛЛАЕВ  
Бобоҳон ШАРИФ

МАНЗИЛИМИЗ: 700000 Тошкент-35, А. Толстой кўчаси, 1.  
ТЕЛЕФОНИМИЗ: 136-36-42, 136-35-29, 144-29-09.  
Факс: 136-36-42.  
ИНДЕКС: 64600  
ЖУМА КУНЛАРИ ЧИҚАДИ

Муҳарририятга келган кўлёмалар (2 ораликда, 5 бетдан ошмаслиги лозим) ва суратлар муаллифларга қайтарилмайди. Мақолалардаги фикр-мулоҳазалар, қолтирилган факт ва рақамлар масъулияти муаллифларга зиммасидир.  
Рўйхатга олиш №0011. Буюртма № Г-222.  
8922 нусхада чоп этилди.  
Офсет усулида босилди.  
Бичими А-3, ҳажми 1 босма табок.

### ЎЗБЕКИСТОН РЕСПУБЛИКАСИ «ШАРҚ» НАШРИЁТ-МАТБАА КОНЦЕРНИ БОСМАХОНАСИ.

Корхона манзили: Буюк Турон кўчаси, 41-уй.

Босишга топшириқдан — 19.00  
Босишга топшириқ вақти — 18.00

